

Cairt èiginn na gnàth-side

Mar bhuidhinn phoblach, bidh sinn nar n-eisimpleir a thaobh mar a tha sinn a’ brosnachadh ar n-obrach a thaobh èiginn na gnàth-side. Tha Bòrd na Gàidhlig ag aithneachadh èiginn na gnàth-side agus tha sinn a’ toirt air adhart cairt èiginn gnàth-side an seo. Tha sinn cuideachd a’ leantainn nan [Amasan airson Leasachadh Seasmhach](#). Anns na molaidhean a leanas, a bharrachd air na poileasaidhean àrainneachd againn, tha sinn a’ foillseachadh cairt èiginn gnàth-side airson na buidhne gus na miannan againn a shoilleireachadh a thaobh sgioba Bhòrd na Gàidhlig agus mar a bhios sinn ag obair le com-pàirtichean air an taobh a-muigh.

1. A’ leantainn nan seachd deug amasan seasmhach mar a tha iad air am mìneachadh san Fhrèam-obrach Coileanaidh Nàiseanta. <https://nationalperformance.gov.scot/sustainable-development-goals>. Tha sinn a’ leantainn amasan an Fhrèam-obrach Coileanaidh Nàiseanta gu dlùth anns an obair a tha sinn a’ dèanamh.

2. A bhith ag aithneachadh èiginn na gnàth-side ann am poileasaidhean.

Bidh sinn aig Bòrd na Gàidhlig mothachail air an àrainneachd anns na poileasaidhean a bhios sinn a’ cruthachadh. Tha seo a’ gabhail a-steach mion-phoileasaidhean agus poileasaidhean air an taobh a-staigh.

3. Ag amas a bhith neodrach a thaobh carboin.

Mar a tha sgrìobhte sna poileasaidhean againn, tha sinn air a bhith ag amas fad bliadhna air a bhith neodrach a thaobh carboin anns gach rud a tha sinn a’ dèanamh. Tha seo a’ gabhail a-steach nuair a bhios sinn air ais sna h-oifisean.

4. Far a bheil e idir comasach, tha sinn a’ brosnachadh nam modhan siubhal as fhèarr don àrainneachd agus a bhith a’ seachnadh siubhal far an urrainn dhuinn.

Tha an obair againn a’ gabhail a-steach Alba air fad ach tha far a bheil e reusanta, cleachdaidh sinn na dòighean siubhal a tha as fhèarr don àrainneachd. Tha seo cuideachd air a riochdachadh anns a’ phoileasaidh siubhal againn.

5. A’ leantainn an deagh chleachdadh as ùire a thaobh amasan àrainneachd na h-Alba agus ag atharrachadh nan dòighean-obrach againn far a bheil sin freagarrach.

Tha sinn ag obair gu dhlùth le buidhnean poblach eile gus cumail air adhart ri poileasaidhean seasmhach ann an Alba agus ma tig piseach air dòighean obrach, atharrachaidh sinn iad.

6. Bidh sinn mothachail air an àrainneachd anns gach rud a tha sinn a’ dèanamh.

Anns an obair a tha sinn a’ dèanamh gus a’ Ghàidhlig a bhrosnachadh air feadh na h-Alba, bidh sinn mothachail gu bheil èiginn gnàth-side a’ tachairt agus a’ brosnachadh nam

buidhnean leis a bheil sinn ag obair agus a tha sinn a' maoinneachadh gus a bhith mothachail air sin.

7. Cleachdaidh sinn solarachadh seasmhach.

Bidh Bòrd na Gàidhlig a' cleachdadh Public Contracts Scotland mar as trice airson solarachadh. Bidh pròiseas solarachaidh againn a' leantainn plana an Riaghaltais. <https://www.gov.scot/policies/public-sector-procurement/sustainable-procurement-duty/>.

Cleachdaidh Bòrd na Gàidhlig solarachadh seasmhach aig an ìre as àirde. Bidh cunnartan agus cothroman a thaobh seasmhachd fa-near dhuinn nuair a thèid gabhail ri tairgsean sam bith.

8. Cruthachaidh sinn sgioba àrainneachd taobh a-staigh bliadhna.

Cruthachaidh sinn sgioba àrainneachd taobh a-staigh na buidhne a bhios a' coinneachadh trì tursan gach bliadhna airson a bhith a' togail air na siostaman seasmhach againn.

9. Cruthachaidh sinn plana èiginneach na gnàth-shìde taobh a-staigh bliadhna.

Còmhla ris an sgioba àrainneachd agus ag obair gu dhlùth le buidhnean eile, cuiridh sinn plana èiginneach na gnàth-shìde ri chèile.